

17 vuelo non-stop for di Aruba pa 2015

InselAir ta ofrece e red di conectividad mas grandi for di Aruba

Oranjestad – InselAir Aruba ta hasi inversion grandi den desaroyo di mercadonan cu lo resulta den 8 rutanan non-stop pa e añan aki; for di cuminsamento di Juli, 2015, e rutanan di San Juan, Santo Domingo y Medellin lo wordo añadi na e destinacionnan directo for di Aruba y lo continua cu Barranquilla, Bucaramanga, Cali, Quito y Havana mas laat e añan aki.

E ruta di St. Maarten lo wordo opera via Sto. Domingo tambe for di 1 di Juli. Pa fin di 2015 InselAir Aruba lo of-



rece na publico un total di 17 destinacionnan non-stop for di Aruba cual ta suma mas cu cualkier otro airline cu ta sirbi Aruba hunto. InselAir Aruba tambe ta ofrece un av-

erahe di 12 vuelo pa dia, cual ta hasi di InselAir e airline cu mas ta carga pasahero pa y for di Aruba y cu ta representa un 18% di e total biaheronan pa y for di Aruba. For di e hub

InselAir International fleet (19), 8 new AWG 40 million investment



di ABC InselAir ta ofrece 27 destinacionnan, 40 ruta y 180 city-pairs cual ta haci di InselAir e airline mas grandi basa den Caribe.

E Airline mas grandi. Inversio-
nnan mas grandi.

InselAir Aruba su CEO, Sr. Frederick Nuboer, a enfatisa e importancia di InselAir Aruba como un airline local: "Airline nan di afo no ta emplea asina tanto trahado directamente manera InselAir Aruba ta haci, no ta cumpra asina hopi parts y lubricantenan localmente y no ta paga millonan den taxnan, pa duna djis algun ehempel". "Tambe como un airline local, InselAir Aruba ta inverti fuertemente pa educa su staff(cual ta capital intelectual) y ekipo; InselAir a cumpra 8 avion den 2 aña di tempo na e suma di AWG 40 million" Nuboer a sigui bisa.

Ta enfoca den America Latino

InselAir Aruba su red ta cubri awor 40 ruta den Caribe, America Latina y Merca, uzando 19 avion. Segun Nuboer, un di e motibonan cu InselAir Aruba a crece ta e forma strategico cu e islanan ABC ta localisa den Caribe cual ta ofrece e oportunidad pa duna servicio na Sur America y oost di Merca miho cu cualkier otro isla den Caribe. "Pa e motibo aki, InselAir Aruba por ofrece conexio-
nan mas facil y mas corto cu cualkier otro airline. Si nos mira otro luganan geografico y enfoca den Caribe, nos por mira mesora e bentaha cu InselAir Aruba tin. Nos rutanan ta semper mas of menos

den un linea straight compara cu otro nan", Nuboer a splica. E futuro di e islanan ABC por wordo haya den America Latino su turismo y comercio. Nuboer a sigui bisa: "For di Sur America pa Caribe nos ta experencia e tendencia di aumento mas rapido y for di Sur America pa Norte America ta e di 2 aumento mas rapido. Pa tur dos tendencia, InselAir Aruba ta perfectamente posiciona pa transporta e number mas grandi di pasahero di y pa nan destinacion." E rutanan cu InselAir Aruba ta cuminsa cu nan, mayoria di caso ta den mercadonan cu tin un crecimiento economico balansa. "Lo cual hende ta haci ora cu ta experencia un crecimiento di entrada prome ta cumpra un auto nobo y djey cuminsa biah. Tambe ora di mira estadisticonan di e poder di gasto di hende, por mira cu InselAir Aruba ta trece pasaheronan Aruba cu ta gasta significativamente manera ta e caso di Republica Dominicana y Venezuela," segun Nuboer.

Strategia y campananan

Pa conscientisa tur Mercado di e posibilidadnan numeroso dentro di e red di servicio di InselAir, a cuminsa cu un campana di AWG. 1.000.000 na e 27 destinacionnan cu e ta opera. Canalnan cu ta wordo uza ta TV, radio, online marketing, eventonan local, social media y direct email. "No solamente nos ta opera destinacionnan nobo y opera cu mas frecuencia, tambe nos a crea un red di conectividad entre e destinacionnan cu ta existi" – Nuboer a termina. □